

— ٥٢ —

قصفت قلمي الرصاص أولاً ثم أردت أن تقصف رقبتى ثانياً ، ولم أدر ما حدث فقد رحت في غيبوبة لم أفق منها إلا في سرير مستشفى القاهرة .
قرع سمعى ضجيج مشاجرة قرب سريري ، وصوت طيب يقول
لمرضته :

— ححك عليّ يا زوزو هانم !

ولكن الست المريضة وهي فتاة رشيقة مهندمة أنيقة ، لم تنس أن تصيح شفيتها بالأحمر ، ولكنها نسيت أن حولها جرحي على شفا الموت الأحمر أجابت في خشونة :

— أيوه انت لازم تعرف انا مين . الباشا .. بابا .

— مفهوم .. مفهوم لكن على كل حال اسمحي لي أنبهك للمواعيد .
عملك يتدع الساعة سبعة وحضرتك قمت من النوم الساعة عشرة .
— وما له أنا متعودة على كده . وأنا مش خدامة .. أنا متطوعة .
— متطوعة علشان تؤدي الواجب مش علشان تدلعي . أنتم فاهمين
المسألة دلح ، وواحدين الشغلة دي على أنها موضحة مش على أنها واجب ،
وكانت النتيجة انكم سبتم العيانيين المساكين ينفلقوا لغاية حضرتمكم ما
تصحوا على كيفكم .

— إيه الكلام الفارغ بتاعك ده يا دكتور . أنا واحدة من الطبقة
الراقية ، ما يصحش تقول لي كلام زي ده ، أنا عمر ما حد تأمر عليّ رايح
انت تتأمر عليّ !!... بابا نفسه ما يقدرش يقولي تلت الثلاثة كام . وماما